



Broj: 12-27-14452-6/19
Zenica, 05.12.2019.godine

Na osnovu člana 70. stav (1), (2) i (3) Zakona o javnim nabavkama ("Službeni glasnik BiH" broj:39/14), Zapisnika o pregledu i ocjeni ponuda, broj: 12-27-14452-5/19, od 28.11.2019. godine, u otvorenom postupku javne nabavke za radove broj: 1417-1-3-17/19 od 01.10.2019. godine, Ministar Ministarstva za prostorno uređenje, promet i komunikacije i zaštitu okoline Zeničko-dobojskog kantona, donosi:

ODLUKU

o izboru najpovoljnijeg ponuđača

I

U otvorenom postupku javne nabavke radova – „Sanacija i rehabilitacija dijela ceste kroz općinu Vareš – R444 dionica Breza – Vareš”, broj: 1417-1-3-17-3-20/19 od 01.10.2019. godine, ponuda ponuđača „AME” d.o.o Breza (broj: 928/19 od 12.11.2019. godine) sa ukupno ponuđenom cijenom od 97.000,00 KM (bez uračunatog PDV-a) izabrana je kao najpovoljnija.

II

Ponuđač „AME” d.o.o Breza (ID broj: 4218105170009), adresa Ul. Branilaca grada bb, 71370 Breza, dužan je dostaviti dokumente iz člana 45. stav (2) tačka od a) do d) Zakona o javnim nabavkama BiH („Službeni glasnik BiH“ broj 39/14) navedene u tački 12.3.1. i dokumente iz tačke 12.5.2. tenderske dokumentacije i to u roku od 5 (pet) dana od dana zaprimanja Odluke o izboru najpovoljnijeg ponuđača.

Ugovorni organ će odbaciti ponudu ponuđača u slučaju da izabrani ponuđač propusti blagovremeno dostaviti validne dokumente iz stava (1) ovog člana.

U skladu sa članom 72. i 98. stav (1) Zakona o javnim nabavkama BiH („Službeni glasnik BiH“ broj:39/14) ugovorni organ zaključit će ugovor sa najpovoljnijim ponuđačem iz tačke I i II ove Odluke nakon isteka roka od 15 (petnaest) dana od dana kada su svi ponuđači obaviješteni o izboru najpovoljnije ponude.

III

Ponuda ponuđača „NAHONAL-GAS” d.o.o. Breza se u skladu sa članom 68. Zakona o javnim nabavkama BiH („Službeni glasnik BiH“ broj: 39/14) odbacuje jer nije potpuna i ne ispunjava zahtjeve iz tenderske dokumentacije.

IV

Ova odluka objaviće se na web stranici www.zdk.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama BiH.

V

Ova odluka stupa na snagu danom donošenja i zajedno sa Zapisnikom o pregledu i ocjeni ponuda dostavlja se svim ponuđačima koji su sudjelovali u postupku javne nabavke, u skladu sa članom 71. stav (2) Zakona o javnim nabavkama BiH.

Obrazloženje

Postupak nabavke pokrenut je Odlukom broj: 12-27-14452/19 od 25.09.2019. godine. Javna nabavka provedena je po otvorenom postupku javne nabavke za radove u skladu sa članom 25. Zakona o javnim nabavkama BiH („Službeni glasnik BiH“ broj: 39/14).

Obavještenje o nabavci broj: 1417-1-3-17-3-20/19 objavljeno je na Portalu javnih nabavki 01.10.2019. godine.

Komisija za javne nabavke imenovana rješenjem broj: 12-27-14452-3/19 od 11.11.2019. godine, ugovornom organu blagovremeno je dostavila zapisnike o otvaranju i o pregledu i ocjeni pristiglih ponuda. U predviđenom roku za dostavljanje ponuda pristigle su ukupno 4 (četiri) ponude.

U periodu od 12.11.2019. godine do 21.11.2019. godine Komisija je pregledala dostavljene ponude u skladu sa uslovima za učešće, obaveznim elementima ponude i tehničkim karakteristikama i utvrdila slijedeće:

Ponuda ponuđača "NAHONAL-GAS" d.o.o. Breza nije u skladu sa zahtjevima tenderske dokumentacije, gdje je odredbama slijedećih tačaka 12.2.1, 12.5.2, 12.7.c) i 13.2., propisano da izjave iz članova 45., 47., 51. i 52. ZJN-a, ne mogu biti starije od 30 dana. Ponuđač "NAHONAL-GAS" d.o.o. Breza je u svojoj ponudi dostavio izjave iz čl. 45., 47., 51. i 52. ZJN-a na kojima nema upisanog mjesta i datuma.

Naime, izjave iz čl. 45 i čl. 52 ZJN-a ponuđač je dostavio bez upisanog mjesta i datuma kao ovjerene kopije sa datumom ovjere od 7.11.2019. godine, ali izjave iz čl. 47. i 51. ZJN-a su dostavljene u originalu bez upisanog mjesta i datuma, tako da se ne može utvrditi kada su date priložene izjave, pa se tako ne može utvrditi ni jesu li u skladu sa odredbama tačaka 12.5.2 i 12.7.c) Tenderske dokumentacije.

Imajući u vidu navedeno, kao i odredbe člana 68. Zakona o javnim nabavkama BiH („Službeni glasnik BiH“ broj: 39/14), ponuda ponuđača "NAHONAL-GAS" d.o.o. Breza se odbacuje, jer nije potpuna i nije u skladu sa uslovima iz tenderske dokumentacije.

Ponude ponuđača „GEO-PUT“ d.o.o. Maglaj, „MGV Gradnja“ d.o.o. Zavidovići i „AME“ d.o.o. Breza, ispunjavaju postavljene uslove, te je za 26.11.2019. godine zakazano provođenje e-aukcije, sa početkom u 9:00 sati i predviđenim trajanjem od 10 minuta. E-aukcija je uspješno okončana, te je formirana konačna rang lista ponuđača prema Izvještaju o toku i završetku e-aukcije.

U skladu sa tačkom 23. tenderske dokumentacije, i nakon sprovedene e-aukcije, a na osnovu kriterija najniža cijena tehnički ispravne ponude, Komisija je izvršila rangiranje ponuda kako slijedi:

R/br	Ponuđač	Ukupna cijena ponude bez PDV-a nakon sprovedene e-aukcije:
1.	„AME“ d.o.o. Breza	97.000,00 KM
2.	„MGV Gradnja“ d.o.o. Zavidovići	97.190,00 KM
3.	„GEO-PUT“ d.o.o. Maglaj	106.154,37 KM

Na osnovu sačinjene rang liste, Komisija je predložila ugovornom organu da donese Odluku o poništenju postupka javne nabavke ili da, ukoliko može osigurati sredstva za predmetnu nabavku, donese Odluku o izboru najpovoljnije ponude za ponuđača „AME“ d.o.o. Breza.

S obzirom da je ugovorni organ utvrdio da su u prethodnim postupcima javnih nabavki postignute povoljnije cijene u odnosu na procijenjenu vrijednost, te da neki planirani projekti nisu realizirani, pristupilo se izmjenama Plana zaštite, održavanja, rekonstrukcije i izgradnje regionalnih cesta za 2019. godinu, te su na taj način osigurana sredstva za predmetnu nabavku. U vezi sa time, ugovorni organ je prihvatio preporuku Komisije za javne nabavke i odlučio da se najpovoljnijem ponuđaču dodijeli Ugovor za „Sanaciju i rehabilitaciju dijela ceste kroz općinu Vareš – R444 dionica Breza – Vareš“. Zbog svega naprijed navedenog odlučeno je kao u dispozitivu.

Odluka će se objaviti na službenoj stranici ugovornog organa www.zdk.ba i to istovremeno s upućivanjem odluke ponuđačima koji su učestvovali u postupku javne nabavke.

Ugovorni organ će u skladu sa članom 70 i 71. Zakona o javnim nabavkama, Odluku o izboru najpovoljnijeg ponuđača dostaviti svim učesnicima postupka zajedno sa Zapisnikom o pregledu i ocjeni ponuda.

Pouka o pravnom lijeku:

Protiv ove Odluke može se izjaviti žalba Ministarstvu za prostorno uređenje, promet i komunikacije i zaštitu okoline Zeničko-dobojskog kantona - Kantonalnoj direkciji za ceste, u roku od 10 (deset) dana od dana prijema ove Odluke, na način propisan članom 99. Zakona o javnim nabavkama BiH („Službeni glasnik BiH“ 39/14).

Prilozi:

- Zapisnik o pregledu i ocjeni ponuda
- Izvještaj o toku i završetku e-aukcije

Dostavljeno:

4 x svim ponuđačima,
1 x a/a

